



SIPA pisala državnom tužiocu Markoviću

## Nezakonit zahtjev za smjenu Zupca

Agencija za istrage i zaštitu (SIPA) BiH obavijestila je prije nekoliko dana tužioca Tužilaštva BiH Miroslava Markovića da je njegov zahtjev za suspenziju direktora SIPA-e Gorana Zupca nezakonit.

U obavještenju se navodi da je Marković izašao iz svojih nadležnosti te da za to pitanje nije nadležan ni zamjenik direktora SIPA-e Đuro Knežević, kojem se obratio.

Marković je 22. jula dostavio Kneževiću dopis kojim je tražio informacije o tome šta je poduzeo i je li suspendirao Zupca, dok je još 25. februara obavijestio tadašnjeg zamjenika direktora SIPA-e Marka Dominkovića

**ZUBAC:**  
Nastavlja raditi svoj posao



da se protiv Zupca provodi istraga i zatražio njegovu suspenziju.

- SIPA postupa po Zakonu o državnoj Agenciji za istrage i zaštitu koji je u više navrata mijenjan i dopunjavao, a akt iz „Službenog glasnika“ na koji se Marković poziva predstavlja samo osnovu ovog zakona. Direktor SIPA-e svakodnevno u punom kapacitetu obavlja poslove i zadatke iz svoje nadležnosti, a zamjenik direktora nema nadležnost u skladu s odredbama Zakona o Agenciji za istrage i zaštitu na koji se pozivate - navedeno je u dopisu SIPA-e.

M. Aš.